

輔政使司駱

為

曉諭事照得現奉

督憲札開將英中兩國政府議定展拓香港界址約章開列於下俾眾週知等因奉此合亟出示曉諭為此特示

一千八百九十九年

五月

初二日示

計開

溯查多年以來素悉香港一處非展拓界址不足以資保衛今中英兩國政府議定大畧按照粘附地圖展擴英界為新租之地其所定詳細界線應俟兩國派員勘明後再行畫定以九十九年為限期又議定所有現在九龍城內駐紮之中國官員仍可在城內各司其事惟不得與保衛香港之武備有所妨碍其餘新租之地專歸英國管轄至九龍向通新安陸路中國官民照常行走又議定仍留附近九龍城原舊碼頭一區以便中國兵商各船渡任便往來停泊且使城內官民任便行走將來中國建造鐵路至九龍英國管轄之界臨時商辦又議定在所展界內不可將居民迫令遷移產業入官若因修造衙署造築炮臺等工需用地段皆應從公給價自開辦後遇有兩國交犯之事仍照中英原約香港章程辦理查按照粘附地圖所租與英國之地內有大鵬灣深洲灣水面惟議定該兩灣中國兵輪無論在局內局外仍可享用此約應於畫押後自中國五月十三日即西歷七月初一日開辦

憲示 第二百六十四號

輔政使司駱

曉諭事現奉

督憲札開將港內各銀行呈報西歷本四年月份批計簽發通用銀紙并將存留現銀之數開示於下等因奉此合亟出示為此特示

計開

印度新金山中國匯理銀行簽發通用銀紙二百七十萬零五千三百七十四圓

實存現銀一百五十萬圓

香港上海匯理銀行簽發通用銀紙六百八十六萬四千五百圓  
實存現銀四百五十萬圓

中華匯理銀行簽發通用銀紙四十四萬六千八百九十二圓  
實存現銀一十五萬圓

共簽發通用銀紙一千零一萬六千七百六十六圓  
合共實存現銀六百一十五萬圓

一千八百九十九年

五月

初六日示

憲示 第二百七十號

輔政使司駱

曉諭事現奉

督憲札開招人投接在近深圳河即或在或近虎地坳處建堅固差館一間所有投票均在本署收截限期收至西歷本年五月十五日即禮拜一日正午止如欲觀看形圖及知詳細者前赴工務司署請示可也各票價列低昂任由  
國家棄取或總棄不取亦可等因奉此合亟出示曉諭為此特示

一千八百九十九年

五月

初六日示